

cxxiii

(...)

Testament de guilhalme esquiere vefve de  
jacques caiserques

Au nom de dieu soit saichent tous presans & a venir q(ue)  
cejourd'hui **vingt septiesme du mois de juillet [1606]** avant midy au  
**lieu del terme** dan la vico(m)te de villemeur e(t)( )**mai(s)on de jean  
navech** diocese de mo(n)tauban e(t) seneschaucee de th(o)l(o)se soubz le regne  
de n(ot)re souverain prince henry quatriesme de ce nom par la  
grace de dieu roy de france et de navarre pardevant moy no(tai)re  
e(t)( )tesmoins baz nommes constituee en sa personne **guilhalme  
esquiere vefve de ja(c)ques cayserques** laquelle estant a la  
salle de lad(ite) mai(s)on dans ung lict couchee de certaine maladie  
corporelle toutesfois en ses bon sens e(t)( )memoire bien parlant  
voyant ouyssant e(t)( )parfaitement cognoissant considerant  
la mort corporelle luy estre certaine et l( )heure d( )icelle incertaine  
a voleu pourvoir au salut de son ame e(t) disposer du peu  
de biens q(ue) dieu luy a donnees en ce monde de son bon gre  
e(t) franc voloir non induitte a ce f(er)e ceduite ny subornee ainsy

que a dit ains de son certain mouvement a faict e(t)( )ordonne  
son testament noncupatif e(t) derniere volonte en la forme  
q(ue) s( )ensuit premierement par ce que les choses spirituelles  
sont plus dignes que les temporelles icelles doibvent prefferer  
a recommande son ame a dieu le pere tout puissant le priant  
q(u'i)l luy plaise la separa(ti)on faicte de son ame avec le corps icelle  
ame collocquer en son royaume celeste de paradis par le merite  
de la mort e(t) passion de son filz no(tr)e sauveur e(t)( )redempteur  
jesus christ item ordonne que son corps soit mis en sepulture  
au cemitiere saint jean de villemeur hors les murs item  
donne e(t) legue lad(ite) testatrix a **daniel navech filz dud(it) jean  
nepveu a la testatrix** une boticque de mai(s)on et une petite  
chambre y joignant d'une mai(s)on qu( )elle a dans villemeur et  
rue droite de saint jean confronte avec mai(s)on de m(aître) denys  
busquet mai(s)on de jacques vaissie et ~~la mai(s)on~~ reste de lad(ite)  
mai(s)on et la rue publique et autres (con)fron(tation)s avec les charges  
q(ue) lesd(ites) ~~mai(s)on~~ boticque e(t) cabe ce treuveront f(er)e au seigneur  
duquel ce treuve mouvant en directe et la tailhe au roy  
n(ot)re sire francz e(t)( )immunes d( )au(tr)es subcides e(t) de tous arreyratges  
jusques au jour du trespas de lad(ite) testatrix pour d( )icelle jouir  
f(er)e e(t)( )disposer a ses volontes incontinant apres son deces item  
luy donne e(t) legue une coytte deux coissins remplis de plume  
une couverte blanche neufve ung chalict de postes de noguier  
garny de cortines rideaux conten(ant) / deux linceulz neufz une  
table de noguier avec son pie & tirettes ung banc une  
estabelle ung chauffelet de cuivre ung cremailh de fer une

pinte tenant troys quartz ung aiguiere d( )estaing deux grandz  
platz troys escuelles deux assiettes le tout d( )estaing payable  
par son hoire bas nommee aud(it) navech lhors qu( )il sera en eaige  
de rai(s)on pour du tout f(er)e e(t) disposer a ses volontes comme  
ung ch(ac)ung faict de sa cause propre ordonnant q(ue) led(it) navech  
~~ayt~~ ce (con)tante d'avoir son entree a lad(ite) boticque e(t) non a la

cxxiiii

porte de lad(ite) mai(s)on et cas advenant q(ue) led(it) navech son nepveu  
viendroit a deceder sans enfans legitime ou sans f(er)e testament  
veult e(t) ordonne q(ue) le susd(it) legat retourne de plain droit  
a son hoire bes nommee et par ce que le chef e(t) fondement  
de tous testamens est l( )institu(ti)on hereditaire et q(ue) sans icelle  
tous testamens sont diz invalables a ceste cause lad(ite)  
esquiere testatrix en tous et ch(ac)ungs ses autres biens meubles e(t)  
immeubles droitz voix e(t) actions quelconcques a faicte et  
instituee son hoire generale e(t) universelle savoir est **anne**  
**caserques sa filhe** legitime e(t) naturelle e(t)( )**femme aud(it) jean navech**  
pour tout f(er)e e(t) disposer a ses volontes tant en la vie  
que en la mort comme ung ch(ac)ung faict de sa cause propre  
a la charge de paier e(t) aquitter les susd(its) legatz debtes et  
charges si poinct en y a / bien veult e(t) ordonne q(ue) au caz lad(ite)  
cayserques son hoire viendroit a mourir plustost que led(it) navech  
son mary que la susd(ite) heredite vienne e(t) apartiene a icelluy  
pour en disposer a ses volontes en la vie q(ue) en la mort ^ # et  
ce dessus a dit estre son dernier testament noncupatif cassant  
e(t) annullant tous autres testamens codicilles e(t) donna(ti)ons si  
poinct en y( )a de faictz ou faictes le p(re)se)nt demeurant en son entier  
lequel veult q(ue) soit valable par droit de testament noncupatif  
et disposi(ti)on d(erni)ere et par tout autre droit uz stil e(t) coustume  
q(ue) mieulx pourra valoir priant e(t) suppliant les tesmoings  
bas nommes par elle recogneus e(t) nommes l( )ung apres l( )autre  
luy porter tesmoniage de verite et a moy dit not(ere) luy en  
retenir instrument ce qu( )ay faict ez( )presance de m(aîtr)e  
pie(rre) coderc app(otica)ire blaise *austri* tessier de vill(emur) jean trilhaes guilh(aume)  
trilhaes filz aud(it) jean habit(an)z del terme jean linas dud(it) vill(emur)  
et moy( )not(ere) ^# declaire lad(ite) testatrix q(u'e)lle doit a anne  
de bossac femme a jean vaisse de vill(emur) la somme de cinq livres  
quatre soulz t(ournoi)s de reste de vente de deux sacz ble que veult  
luy estre payes par sad(ite) h(oi)re inco(n)tinant apres son deces

J Coderc

Pendaries not(aire)